

Shavkat Mirziyoyev Jahon banki vitse-prezidenti Anna Byerde bilan uchrashuv o'tkazmoqda

30/09/2022 - 17:49



O'zbekiston Prezidenti Shavkat Mirziyoyev ayni daqiqalarda Jahon banki vitse-prezidenti Anna Byerde boshchiligidagi delegatsiya bilan uchrashuv o'tkazmoqda. Bu haqda Prezident matbuot kotibi Sherzod Asadov xabar berdi. O'zaro hamkorlik o'rnatilganidan buyon o'tgan 30 yilda ustuvor tarmoqlardagi loyihalar portfeli 8 milliard dollardan oshdi. Bugungi muzokaralar kun tartibidan ushbu yetakchi xalqaro moliyaviy institut ko'magida ijtimoiy-iqtisodiy loyihalarni ilgari surish masalalari o'rin olgan. Alohida e'tibor qishloq joylarda turmush darajasini yaxshilash, davlat korxonalarini xususiylashtirishni jadallashtirish, qishloq xo'jaligini transformatsiya qilish, ijtimoiy sohani modernizatsiyalash, iqtisodiyotning energiya samaradorligini oshirish va boshqa jihatlariga qaratiladi.